



Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt XII. Nouum Lunensis colloquium de particula, proponentibus Legatis, cum Morono. Huius profectio Oenipontem versus. Agitata de loci controuersia inter duorum Regum Oratores. Lotharingi reditus, ...

urn:nbn:de:hbz:466:1-11718

1563.

C A P V T XII

Nouum Lunensis colloquium de particula, proponentibus Le-
gatis, cum Morono. Huius profectio Oenipontem versus. Ag-
tata de loci controuersia inter duorum Regum Oratores. Lotha-
ringi reditus, eiusque querelæ & affectiones. Sessionis proroga-
tio, & quid in ea contigerit.

^a Litteræ La-
drensi 19. Ap.
1563.

^b Litteræ Le-
gatorum ad
Borromæum
15. Ap. 1563

^c Litteræ Le-
gatorum ad
Borromæum
16. Ap. 1563

CVm de Lotharingi reditu nihil nuntiaretur, cumq[ue] signifi-
 caret Lansacus, ^a eum Venetijs commoraturum dies aliquot
 suprà quām anteà crediderat, adeoque moras amplius illius
 causâ Morono ducendas non esse ^b, hic decimo sexto Aprilis Oeni-
 pontem ad vesperam profectus est. Eodem manè ipsum seorsim Lu-
 nensis inuiserat ^c, ac denuò mandata sibi à Rege tradita amplifica-
 rata, præfertim ad Sedem Apostolicam sustinendam: hinc pro-
 cesserat ad ea verba, *proponentibus Legatis:* in mandatis iniunctum
 sibi disertè à Rege, vt omnem nauaret operam, vt illis prospicere-
 tur, cùm rumor esset, earum causâ Concilium libertate noui-
 Responsum à Morono redditum est, de quo sèpius diximus. Cui
 Orator: Huiusmodi verba in anteactis Concilijs usurpata non suffi-
 se, & oportere, vt absque dubio ad remedium admouendum am-
 bus adiiceretur; siquidem Legatum ipse certiorem faciebat, in id
 Reges Hispaniæ, Lusitaniæ, Galliæ, & Cæsarem conuenire.

Oppugnationi tam validæ Moronus propugnacula non minus
 valida obijcere conatus est; ac primum quidem illud fuit, quod in
 eo cum Hispanis certamine videbatur supra cunctas eorum ma-
 chinas eminere, adeoque aduersus illos inuictam semper defen-
 sionem præstiterat: Qu'nam id fieri posse, cùm in Sessione forma illa
 iam fuisset statuta? Non animaduerti à Lunensi, non solum ex eo
 in dubium adductum iri cuncta iam stabilita (à quo supra cetera
 Rex abhorrebat) sed eadem reuocatum iri, additâ reliquis audaciâ
 postulandi res nouas longè grauiores, ac peruerendi diruendique
 quidquid extrectum fuerat: cui alluvioni imminentि vnicum erat
 obstaculum agger ille, ne scilicet fas esset de rebus iam decreta
 quæstionem inducere. Præterquam quod quantum confusionis,
 quantumq[ue] prolixitatis allatum iri, vbi singulis tam ample ac
 tam variae multitudinis capitibus liceret Synodus cogere ad fere-
 das sententias de absurdis, quæ cuique libuisset? Denique, quo pa-
 eto hañc Regis petitionem concordare cum eo quod idem prof-
 tebat.

tebatur, nimirum, se fauturum Apostolicæ Sedi, cuius & auctorita- 1563.
ti & existimationi altior inde plaga infligeretur?

³ Orator, vti sensit, perinde ostendit se conuictum rationum vi,
cui cordatus ac sineerus vir nec animo nec ore potest obſtare.
Quo animaduerſo Legatus, tametsi Lunenſis adhuc se excusaret
fixo Regis iuſſu, qui merum executoris munus ipſi relinquebat;
animum tamen recepit, haud ignarus, huiusmodi iuſſionibus ma-
gnam inefſe vim, cum habent̄ ſunt, quippe ministro quod ſibi
interdictum eſt agere non audente; modicam verò, cum ſunt cal-
caria, quippe quod raro ac diſſiculter contingat, ut vir animo non
omnino feruili, proſequatur ardentि ſtudio quod domino ſuo in-
decorum ac noxiūm existimat: idcirco iuſſio validiſſima ad indu-
cendum miniftrum ut voluntatem Principis exequatur, ea eſt,
qua simul in illius animo ipſe Principis ſenſus imprimatur; quan-
doquidem nulli potestati magis quam propriæ menti obtemperari
ſolet. Varia igitur inter eos temp̄eramenta proposita: elatoque Le-
gatus cunctationis clypeo aduersus aggressionis impetum, ſpa-
tium temporis petijt, donec cum Cæſare colloqueretur, eiusque
mentem pernoſceret.

⁴ Oratore digreſſo, Moronum conuenere Granatenſis Archiepi-
ſcopus, & Epifcopus Segouienſis, inter Hispanos existimatione
prapollentes, & in contentionibus perduri. Et ſicut eorum moſ eſt,
qui a veteribus magistratibus diſcreparunt, optimam erga nouos
animi propenſionem præſeferre, affiſmarunt, ſummope illi con-
fidere: adeo ut Granatenſis dixerit, Vbi viſum ſibi foret, à conſci-
entia obſtrigi ſe vt à maiori parte diſſentiret, eam in Cardinalis con-
ſcientia reponendo ſedaturum. Hic verò, apud ſe iuſta parte pro-
moſſo ſubtractā, reſpondit pari comitate; Gaudere ſe, quod in ea
ſignificatione cognoſceret Patres vel maximè aduersarios ſtudere ſe
beneuolentes oſtendere, quod (ratioſinabatur ille) ſaltem effeciſſet,
vt remiſſius aduersarentur.

⁵ Non minorem ſollicitudinem collegis intulit alia Hispanorum
lis apud ipſos pendens, quam ea iam memorata, quæ in ipſos mo-
uebatur; nimirum, vetus controuersia de prærogatiua loci cum Gal-
lis. Coepit vrgere negotium ^d Lunenſis post Moroni diſceſſum: &
in ſumma propoſuit, vbi gradum ſupra Gallicum Oratorem obti-
nere nequifſet, acquietetur ſe loco ſibi concesso ē regione Galli
ad alterutram partem, pro illius optione, ſed confeſtatum, nihil
per id intelligi ex iure ſui Principis detracitum: aliam quoque ſe-
dem accepturum ſe, quam Legati tribuerent, dummodi eiuimodi,

1563. ut ex ea ipse inferior non haberetur. Quod si tandem quiuis locus sibi denegaretur, in quo cum sui Principis dignitate consideret, se in mandatis habere, ut litteris regijs in Conuentum delatis exemplò discederet. Nec id simulabatur ad meliorem conditionem obtinendam, sed veritati consonabat; cum Rex è sui Consilij sententia mentem mutasset, quam anteà Pontifici significarat, de vanis cœremonijs haud curandis. Legati his auditis inter se disserebant, Ob nouam concordiam initam in Gallia cum hugonottis quantum minuebatur in Gallis necessitas auxilij Hispanici ad tutelam incolumentatis, tantumdem in ipsis auctum iri duritiam ad emulationem prærogatiuæ: hinc verò censebant, ab alienandum non esse Regem Catholicum, cuius patrocinio supra cetera Synodus indigebat, cum ipse summam auctoritatem non solùm apud Hispanos Præfules, sed etiam apud complures Italos obtineret. Quare vbi recusarent Galli memoratas conditiones, in quibus videbatur signum aliquod prærogatiuæ ipsis adhuc seruari, propendebant Legati ad non impedientiam eorum absentiam, quorum præsentia quantum splendoris Concilio, tantumdem inquietis afferebat. Sed de his omnibus Pontificem per arcana notas certiorem fecerunt, eiisque respondsum præstolabantur.

Id temporis aduentante Sessionis die, quæ vigesimo secundo Aprilis indicta fuerat, compertaque eius prorogandæ necessitate, quoniam nihil peractum erat, & duo Legati aberant, duo, quiradant, inter se conuenere, posse ad eam destinari diem tertium Iunij, qui esset quintus in Pentecostes hebdomada, quo tempore arbitrabantur rem in promptu futuram; atque hunc ipsorum sententia significarunt cunctis Oratoribus, Madruccio, ac Lotharingo, qui eo die Tridentum redierat. Omnes assensere, adeoque id in cœrum postridie retulere, cum fiducia communis consensus. Sed eos fecerit euentus. Lotharingus, vt pote suis in sententijs varius, eam tunc mutauit, rursus nouam certi diei præscriptionem adducturam Concilium in discrimen noui dedecoris, vbi ea denuntiatio, sicuti plurimis antegressis euenerat, in irritum caderet. Quapropter re à Legatis propositâ, dixit ille, opportunius sibi videri, si ad incertum terminum Sessio protraheretur, ita vt conuentus sibi facultatem tribueret usque ad vigesimum Maij certam diem constituere. Tunc verò eam statutum iri siue tertiam Iunij, vt in præsentia Praefides arbitrabantur, siue aliam, sed extra dubitationem successus. Huiusmodi ratiocinatio adhæsit animo Madruccij, maiorisque partis etiam ex maximè studiosis Pontificis ac Legatorum, vt qui sibi persuade-

Litteræ Legatorum ad Borromæum
20. Ap. 1563.

f Die 20 A-
prilis.

1563.

suadebant id illis pariter futurum gratius, eosque abstinuisse à prorogatione ad incertum diem proponenda, quod complures Patrum alienos ab ea credidissent; ut proinde in sententiam frequentioris partis inter alios iuerit Gualterius, de quo Præsides conquesti sunt, quandoquidem pridie ipse internuntius eorum sententiam ad Lotharingum attulerat, eiusque comprobationem ad ipsos retulerat. Id quod in seipso leuius, grauius tamen Legatis accidit, tunc dignitatis suæ maximè sollicitis, cum aestimatio & contemptus in ipsos integrè redundabat, nec inter socios diuidebatur.

Ponderosior causa Gualterium premebat, modica videlicet firmitudo, quæ in Lotharingo deprehendi sibi videbatur; vnde fiebat, vt ipse in contexendis per laborem assiduum nexibus mutuæ benevolentia inter ipsum ac Pontificem, semper opus sibi redordiendum animaduerteret. Idecò verebatur, ne Romæ conspectis frequenter euentibus contrarijs recenti spei à se factæ, ipse in opinionem incideret aut decipientis aut decepti, quainquam opportuna remedia non omiserat, quibus huic accusationi se subducereret, exposito cunctis in litteris ingenio Lotharingi. Qua in re tandem moneo, Ad vesperam pridie quam Iulius III. eligeretur, ab eo per certum tabellarium ad Henricum Regem perscriptas fuisse validissimas rationes, quibus ab illius electione remouebatur; manè autem postero adhibitam ab eodem operam cum Farnesio Cardinali ad Iulium promouendum, & in opus deductam. Ingenium Lotharingi, secundum exemplar quod Gualterus expinxerat, temperamento inter igneum & aëreum erat, ad succendendas affectiones velox, sed non minus ad tepefaciendas, totum iracundum, totum placabile: sed iracundiæ tempore supra modum intemperatum in ea promenda, & in cladibus minitandis, adeoque si quis tunc hominem audisset, ratus linguam animo concordare, poterat malignum in eo animum suspicari. Contrà verò, benevolentia tempore adeò in promissio profusum, vt cuiquam ea posteà cum effectis componenti, liceret adscribere artificiosæ calliditati, quod ab inconsiderata sinceritate profectum erat. Paucis, cuiusmodi sunt zdes publicæ magistratus, vbi quod excellit maiestate ac pulchritudine, in fronte atque in aula collocari solet: sed ornamenta huiusc frontis & aulæ plurima erant & rara, magnanimitas, conmias, beneficentia, pietas, doctrina, perspicacia, eloquentiæ vigor, & boni publici studium.

Huius autem variantis indolis noua proferebantur à Gualterio argumenta, per eos etiam dies accepta. Scriperat Lotharingus, vt

*g Litteræ &
arcane nota
Gualterij ad
Borromæum
22. Ap. 1563*

Ggg 3

n-

1563. narrauimus, cupere se cum Morono colloqui, antequam hic ad Cæsarem abiret, ac propterea se confessum redditum. Postea redditum retardauit, vulgauitque, se consultò cunctatum, ne, si alter mandata de rebus cum Cæsare agendis cum ipso communicasset, suspicatur, vim quam operam à se contra successum prosperum fuisse collatam: alij tamen in eo compererunt, vel crearunt, subtiliorem rationem & artem, aientes^h, Lotharingum Venetijs eliciuisse a Nauagero, patriam repetente antequam Tridentum veniret, plurima ex mandatis sibi traditis ad Cæsarem, eaque prænuntiasse per certum

ⁱ Litteræ, & Codicilli Vi cecomitis ad Borromæum tabellarium Cæsari, adeoque in eo cœflassè festinationem cum Morono loquendi: sed quemadmodum acutiores hæ conjecturaⁱ mentium politicarum aberrant plerumque, ita in voluminibus litterarum ex Aula Romana scriptarum comporio è contrario; cum impoſtum fuisset Nauagero, vt Venetijs intento animo obſerueret finistras opiniones, quas fortasse Lotharingus imprimere Senatu tentaret, eisque obſisteret, ipsius operam pergratam fuisse in eo quod egerat & cum Lotharingo & cum Republica. Non ita processit ex ſententia aliud quod eo itinere Nauagerus sibi confidit proposuerat^k, nimirum ut Amulius Cardinalis in Senatus Veneti gratiam rediret, tametsi studiosas Pontificis litteras ad id deferreret, animatas ab ipsius lingua ſpiritu viuidæ eloquentiæ, qui prædictus erat tum ex ingenio, tum ex vſu in eodem theatro: adeo constans est firmitas illius Senatus in suis ſanctionibus. Ex quo lane

ed spectabilior redditur tum auctoritas Alexandri VII. tum virtus Caroli Caraffæ Episcopi Auersani, illius Nuntij, tum obsequium Reipublicæ erga tales Pontificem, quo petente, dum hoc Opus in lucem editur, placuit illi Senatui meam Religiosam Familiam ſu in diſtinctionibus redintegrare, singulari laetitia in me collata, quod huiusmodi prosperitas interuenerit, moderante meum Ordinem Gotwino Nickel, qui tum efficaci auctoritate in me huic Operi adiungendo, tum prouidâ charitate in cunctis commodis mihi exhibendis, planè vt generalis ductor præ milite inferiore, longe ſuper me meretur, quantum laudis deberetur huic meæ non infortuniatæ pugnæ in gratiam iustæ cauæ. Iam verò narrationem unde eam defleximus eò repetemus.

Varium ingenium Lotharingi ostensum est à Gualterio Pontifici per aliud argumentum, à Cardinali præstitum eodem die quo Tridentum reuersus est. Is enim loquens cum Antinoro, qui reliquo obuiam progressos anteuerterat, acerbè queſtus est de inita cum hugonottis concordia, significauitque, regnum illud à ſe tamquam perdi-

^k Morofinus lib. 8. Histo- ria Venetæ.

perditum haberi : paulò pōst cum Gualterio eadem de re verba faciens, ostendit, concordiam illam sibi non improbari, & culpam omnem reiecit in Hispanos ac Pontificem, qui manu debili opem Galliae suppeditassent. Hic verò risum mihi excitat Suavis narratio, quā dicitur, huius pacis nuntios peruenisse Tridentum memorato die vigesimo Aprilis, quo rediit Lotharingus, cū ex aduerso cunctæ paginae Tridenti exaratae à tribus usque superioribus hebdomadis, refertæ sint huiusmodi nouitate, ex qua, utpote ex assumptione præcipua, leguntur deducta plerumque argumentationum corollaria, quæ illic quā voce quā litteris tunc habitæ sunt de rebus humanis, pro eo ac anteā varijs modis ostensum est.

⁹ Sed quod attinet ad Lotharingum, siue leuitas in eo, siue ars esset, cū ipse studeret & hanc & quamuis aliam à se notam abstergere, quod tam ardenter ac tam sèpè Pontifici proposuisset ut Bononiam conueniret, & posteā Pij consensu iam accepto consilium mutasset, voluit ad excusandum se Pontificem incusare: Quoniam dum res tam honorifica illi proponebatur, oportuisse liberum responsum reddi, non autem epistolam confertam simulatis difficultibus, quas ille in eo itinere animaduertebat; perinde quasi plurimam gratiarum actionem ex eo ipse non meruisset, quod Cæsarem induxerat ad conseruandam Pontifici tanti iuris possessionem in eo coronando, & ad se ea de causa saltem Mantuam usque conferendum: in quo iam recedebat Lotharingus ab eo quod toties de Bononia statuerat. Addebat, in ea epistola contineri conditiones conditioni suæ valde dissentaneas, videlicet, efficiendum sibi esse ut Principes acquiescerent disciplinæ legibus, quas Pontifex statuisset, atque ut Synodus quamprimum absolvetur. De quibus conditionibus mirum videbatur conqueri Lotharingum, quando quæ ipse proposuerat super his nitebantur. In summa, se longè alium ab eo qui paulò anteā fuerat, & acrimoniā percitum ostendebat.

¹⁰ Venetijs adhuc degens Musottum Romam miserat, vulgauitque, non modò illum mitti quod per eum Lotharingus se apud Pium purgaret, sed quod etiam ab eo impetraret, ut peculiaria capita edoceretur criminacionum, quibus, ut ille affirmabat, à Pontifice insimulabatur, quod nimis sibi capitum partes assumeret, ac malæ semina inter Cæsarem ac Pontificem spargeret, præsertim verò, quod eiusmodi querimoniam Nuntij contra Præsules Gallicos in Concilio, à Regina per litteras accepisset, eos insimulantis quasi prosperum progressum impedirent; quæ insimulatio videbatur in primis

1563. primis ipsum petere , qui primum inter eos locum obtinebat. Hic verò res à se geltas accommodatā sibi formā depingens, dicebat: Si Pontificis criminatio sita in eo foret , quod ipse Cælarem co- hortatus fuerat , vt suam operam interponeret ad maiorem liber- tatem Synodo obtainendam, non expectatis ad minutiora quaque mandatis Româ , vt prospiceretur mansio , & Episcoporum in- stitutio stabiliretur, & purgarentur corruptelæ; licere Pontifici pro suo arbitratu ad Inquisitionem ipsum accersire. At si vitio non verteret hæc consilia , & alioqui comperisset, ab ipso in mansione controversia omne suum arbitrium impensum ad Apostolicam Se- dem iuuandam, nec minus in alijs rebus ab eodem perfracta fuille sui Regis mandata in obsequium Pontificis , arbitrari se honoran- dum, non onerandum esse. Pergebat dicere dolentium & indig- nantium linguâ: Se cunctis humanis affectionibus à Deo solutum ob fratum funera , velle imposterum sententiam in Synodo pro more eâ libertate dicere , cui vnica esset norma Diuinum ob- quium & conscientia.

Verumtamen non tantum timoris incutiebant Gualterio ha- nuntiationes iram spirantes pro hominis ingenio , quantum notitia quod magnus Galliæ Cancellarius, minister, vti dictum est, non ad modum Religionis studiosus , operam dederat , vt in munere ma- gni Palatij Magistri , quod uno ex fratribus demortuo vacauerit, sufficeretur filius fratris Lotharingi Cardinalis , dum Comelli- bilis competitor munus illud filio suo affectabat¹, qui rem tan- a grè tulit , vt ab Aula secesserit , excitatâ suspicione. Id verò ma- gnum Cancellarium aliquo pacto Cardinali reconciliarat, curam- que in eo cum spe reuocauerat ad Reginam sibi propitiam haben- dam , non amplius iactâ solùm anchorâ in Sedis Apostolicæ pa- trocinium , quemadmodum anteà sibi opus esse disserebatur. Quapropter Gualterius ad partem magis flexibilem aggressione conuer- sâ , quod verum erat , Lotharingo narrauit: Complures ex Galliæ Paixules de ipso conqueri , quod ad Hispanis gratificandum, in Ordinis controversia negligenter capita , quæ Galliæ magis conti- erant: adeoque discrimen aderat, ne tam aucta cum Hispanis coniunctio tot eius aduersarijs, & apertis & occultis, in Aula arma ad ipsas cladem suppeditaret : cuius rei consideratio , rametsi verbis ab eo spreta , respondente , vt vsu venit , satis sibi ex conscientia cauera- esse , visa est eius animum altè subiisse.

Fererius sensus Lotharingo contrarios præferebat , cùm vol- bilem eius animum improbaret , eiique simul opponeret , ab ipso nonnihil

I Præter iam
dictam epi-
stolam alia
Gualterij ad
Borromæum
3. Maij 1563

1563.

sonni familiæ suæ commoda promoueri. Ceterùm sententias Apostolicæ Sedi proprias proferebat, & rationes præualidas, quippe profundæ intelligentiæ vir, adducebat, ob quas solis Legatis fas esset proponere, & ob quas Pontifex Concilio præcelleret; quod pariter Gallorum aliqui sentiebant, præsertim verò Hieronymus Soucherius Abbas Clarauallensis ^m, qui merebatur obtinebatque eximiā existimationem probitatis ac doctrinæ. Quin Fererius, cùm animum præferret, ut interdum accidit, præsens regionis suæ regimen improbatum, affirmare non omisit, à se optatum iri in eo rerum statu se Episcopum esse, quò sententiam pro suo arbitratu expromeret in Concilio, ac palam faceret, à Gallis, dum, corruptelarum emendatio acriter ab ipsis petebatur, nouas indies indui per maximam offensionem atque perniciem. Non tam plenè sibi persuadebat Gualterius ⁿ, illum ex animo loqui; nam n Arcanæ nomine Româ reuersus eum nanciseretur sibi cuncta consentientem, tæ Gualterij nihil ipsi credidit, suspicatus hominem simulare, quò certi aliquid ad Borrom. eliceret à Pontifice. Verùm ex quacumque suspicione fieri non potest, quin vbi quempiam audimus dicentem efficaciter in rem nostram quæ vera sunt, & ad persuadendum alijs idonea, ea credamus ex animo ab illo dici, sibiique persuaderi.

CAPUT XIII.

Petri Sotii obitus, eiusque ad Pontificem litteræ. Aduentus Nauigeri Tridentum. Acta à Morono Oeniponti cum Cesare de primis quatuor capitibus arcana Ferdinandi epistolæ ad Pontificem, suprà memoratæ; hoc est, de Synodi diurnitate; ubi differtur de suffragijs pro nationum numero computandis, de suspensione, de libertate, & de communicatione à Legatis cum Pontifice usurpata.

REs memorabilis, quæ id temporis accidit, narrationem nostram à Gallis ad Hispanum conuertit. Fuit hic Petrus Sotius, de quo plurima à nobis habita mentio. Summam ille obtinebat existimationem severæ probitatis, solidæque scientiæ: & tramque suorum Hispaniensium Episcoporum sententiam semper sustinuerat, nimirum, mansionem auctoritatemque Episcoporum esse iuris Diuini. Porrò cùm in morbum grauissimum incidisset die decimo septimo Aprilis, post quem tres tantum dies viuus superfuit, alieno chirographo ad Pontificem scripsit epistolam;

Pars III.

H h h

ciusque